

ՀՀ պետական եկամուտների կոմիտեի նախագահի

« 05 » հունիսի 2023թ. N 503 -Լ հրամանի

(05100010) / (01092023) / (00002347)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

Երևանի մաքսային սպասարկման կենտրոն-մաքսատուն, վարչություն

(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 01 » սեպտեմբերի 2023 թ.
(ամսաթիվը)

_____ Բ.Երևան
(կազմման վայրը)

ՀՀ պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության-ի
(ստորաբաժանման անվանումը)

ղեկավար _____ պետի տեղակալ Աղասի Աղայան _____, քննելով՝

Հայտարարատու «Պողոսյանի կոնյակի գործարան» ՍՊԸ, ՀՎՀՀ՝ 03302375, փոխադրող անձ՝ Դերենկո Պիլիպ, անձը հաստատող փաստաթուղթ՝ FZ618170, հասցեն՝ Ուկրաինա, Կամինենսկ Պոդոլսկի Կոսմոնոտի փ., 2.1, տուն 60

_____ (քննվող անձի անվանումը, կազմակերպարական տեսակը, ՀՎՀՀ, պետական գրանցման/բնակության հասցեն, փաստացի գործունեության հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Պողոսյանի կոնյակի գործարան» ՍՊԸ անվամբ 26.07.2023 թվականին թիվ 05100010/260723/0013890 տարանցման հայտարարագրով «Մաքսային տարանցում» մաքսային ընթացակարգով (ՏԴԶ) ձևակերպվել է 5,13 կգ բեռ և տարանցման վերջնաժամկետ է սահմանվել՝ 05.08.2023 թվականը: Փոխադրող անձ՝ Դերենկո Պիլիպը մաքսային հսկողության ներքո փոխադրվող ապրանքը մաքսային մարմնի սահմանած ժամկետում նշանակման մաքսային մարմին չի հասցրել:

Դեպքի առթիվ 16.08.2023 թվականին ՀՀ պետական եկամուտների կոմիտեի Արևելյան մաքսատուն-վարչության Բազրատաշենի մաքսային կետ-բաժնի 2-րդ բաժանմունքի մաքսային տեսուչի կողմից փոխադրող անձ՝ Դերենկո Պիլիպի նկատմամբ կազմվել է մաքսային կանոնների խախտման վերաբերյալ թիվ

(05100010)/(260723)/(0013890) արձանագրությունը՝ «Մաքսային կարգավորման մասին» ՀՀ օրենքի 305-րդ հոդվածի հատկանիշներով, որն առձեռն հանձնվել է Դերենկո Պիլիպին:

Արևելյան մաքսատուն-վարչության պետի 17.08.2023թ. թիվ Ն/22-4/159020-2023 գրությամբ հիշյալ արձանագրությունը ուղարկվել է ՀՀ ՊԵԿ Երևանի մաքսային սպասարկման կենտրոն-մաքսատուն, վարչություն հետագա գործընթացը կազմակերպելու համար:

Արձանագրությանը կից ուղարկվել է Դերենկո Պիլիպի անձնագրի պատճենը, «Սպայկա» ՍՊ ընկերության կողմից 14.08.2023թ. «VOLVO» մակնիշի (VIN: YV2RT40A4HB811028) AO4678HO պետհամարանիշի տրանսպորտային միջոցի վերանորոգման աշխատանքների վերաբերյալ հաշիվ ապրանքագիր, ինչպես նաև 16.08.2023թ. գրություն, առ այն, որ հիշյալ տրանսպորտային միջոցը 26.07.2023թ. ժամանել է ք.Երևան, Բագրատունյաց 70/19 հասցեում գտնվող «VOLVO» բեռնատարների վերանորոգման կենտրոն և պահեստամասերի բացակայության պատճառով վերանորոգումն ավարտվել է 14.08.2023թ.:

Մաքսային կանոնների խախտման վերաբերյալ գործի քննությունը նշանակվել է 01.09.2023թ. ժամը 11:00-ին, ինչի անցկացման վայրի և ժամանակի մասին ծանուցումն ուղարկվել է Դերենկո Պիլիպին, վերջինիս նշած pilipderenko@gmail.com էլ. փոստի հասցեով:

Եվրասիական տնտեսական միության մաքսային օրենսգրքի (այսուհետ՝ Օրենսգրք) 143 հոդվածի համաձայն՝ ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սույն Օրենսգրքի 144-րդ հոդվածին համապատասխան սահմանում է մաքսային տարանցման ժամկետը: Օրենսգրքի 145-րդ, 263-րդ և 304-րդ հոդվածներին համապատասխան որոշում է ապրանքների առաքման վայրը: Օրենսգրքի 341-րդ հոդվածին համապատասխան իրականացնում է ապրանքների, դրանց փաստաթղթերի նույնականացումը: Օրենսգրքի 144-րդ հոդվածի համաձայն ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմնին (այսուհետ՝ մաքսային տարանցման ժամկետ):

Օրենսգրքի 144-րդ հոդվածի 4-րդ կետի համափայն՝ «Հայտարարատուի կամ փոխադրողի հիմնավորված դիմումի հիման վրա մաքսային մարմնի կողմից սահմանված՝ մաքսային տարանցման ժամկետը կարող է երկարաձգվել սույն հոդվածի 3-րդ կետով սահմանված ժամկետի սահմաններում:

Մաքսային տարանցման ժամկետի երկարաձգման հետ կապված մաքսային գործառնությունների իրականացման կարգը սահմանվում է Հանձնաժողովի կողմից»:

Եվրասիական տնտեսական հանձնաժողովի կոլեգիայի 2017 թվականի դեկտեմբերի 13-ի ««Մաքսային տարանցում» մաքսային ընթացակարգի կիրառման որոշ հարցերի մասին» թիվ 170 որոշման 2-րդ կետով հաստատված «Մաքսային տարանցման ժամկետի երկարաձգման հետ կապված մաքսային գործառնությունների իրականացման կարգի» 2-րդ կետի համաձայն՝ ««Մաքսային տարանցում» մաքսային ընթացակարգին համապատասխան ապրանքների փոխադրման դեպքում մաքսային տարանցման ժամկետը երկարաձգելու համար՝ նախքան ուղարկող մաքսային մարմնի կողմից սահմանված՝ մաքսային տարանցման ժամկետը լրանալը հայտարարատուն կամ փոխադրողը (այսուհետ՝ անձ) մաքսային տարանցման սահմանված ժամկետը երկարաձգելու վերաբերյալ հիմնավորված դիմում (էլեկտրոնային փաստաթղթի, ազատ ձևով կազմված՝ թղթային կրիչով փաստաթղթի կամ թղթային կրիչով փաստաթղթի էլեկտրոնային պատճենի ձևով) (այսուհետ՝ դիմում) է ուղարկում:

ուղարկող մաքսային մարմին կամ այն մաքսային մարմին, որը լիազորված է կատարել մաքսային գործառնություններ, և որի գործունեության տարածքում են գտնվում ապրանքներն ու տրանսպորտային միջոցը՝ Եվրասիական տնտեսական միության (այսուհետ՝ Միություն) մաքսային տարածքով ապրանքները փոխադրելու դեպքում:

ուղարկող մաքսային մարմին կամ նշանակման մաքսային մարմին՝ ապրանքները Միության մաքսային տարածքի մի մասից Միության մաքսային տարածքի մյուս մասը Միության անդամներ չհանդիսացող պետությունների տարածքներով և (կամ) ծովով փոխադրելու դեպքում:

Դիմում ուղարկելիս անձի՝ մաքսային մարմին փաստացի ներկայանալը և (կամ) տրանսպորտային միջոցը և (կամ) ապրանքները մաքսային մարմին ներկայացնելը պարտադիր չէ»:

«Մաքսային կարգավորման մասին» ՀՀ օրենքի 301 հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 305-րդ հոդվածի համաձայն՝ Մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը՝ առաջացնում է տուգանք՝ հարյուր հազար դրամի չափով:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

Սույն գործի քննության ընթացքում հայտարարատուի կամ փոխադրողի կողմից տարանցման ժամկետի երկարաձգմանն ուղղված գործողությունների կատարումը բացառող համաձայնագրեր չեն բացահայտվել և գործի վարույթի նյութերով հիմնավորվում է, որ փոխադրող անձ Դերենկո Պիլիպը մաքսային հսկողության ներքո փոխադրվող ապրանքները մաքսային մարմնի սահմանած տարանցման ժամկետը չի պահպանել, ինչի արդյունքում կատարել է «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտում:

Այսպիսով, «Պռոշյանի կոնյակի գործարան» ՍՊ ընկերության անվամբ ապրանքներ փոխադրող անձ՝ Դերենկո Պիլիպի անգործությունն անօրինական է՝ ուղղված մաքսային ձևակերպման սահմանված կարգի դեմ, ինչի համար «Մաքսային կարգավորման մասին» ՀՀ օրենքի 305-րդ հոդվածով սահմանված է պատասխանատվություն:

(այն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 305-րդ, 322-րդ հոդվածները, 334-րդ հոդվածի 1-ին մասի 1-ին կետը և «Վարչական իրավախախտումների վերաբերյալ» ՀՀ օրենսգրքի 32-րդ և 234-րդ

(իրավական ակտի անվանումը, հոդվածը)

հոդվածը.

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտում կատարելու համար փոխադրող անձ Դերենկո Պիլիպի նկատմամբ նշանակել **տուգանք՝ 100.000 ՀՀ դրամի** չափով:

(նշվում է վարչական տույժ նշանակելու մասին կայացված որոշումը)

2. Որոշման պատճենը հանձնել կամ ուղարկել Դերենկո Պիլիպին՝ պարզաբանելով, որ սույն որոշումն ուժի մեջ է մտնում կայացնելու պահից և այն ուժի մեջ մտնելու օրվանից երկու ամսվա ընթացքում կարող է բողոքարկվել Մաքսային ծառայության մասին ՀՀ օրենքի 37-րդ հոդվածով սահմանված կարգով՝ մաքսային մարմնի բողոքարկման հանձնաժողով կամ ՀՀ վարչական դատավարության օրենսգրքով սահմանված կարգով՝ վարչական դատարան:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության-ի
(ստորաբաժանման անվանումը)

ղեկավար՝ պետի տեղակալ Աղասի Աղայան
(անուն, ազգանուն)

(ստորագրություն)

Որոշման օրինակը --- հավելվածներով 3 էջերի վրա ստացա.

Դերենկո Պիլիպ

(իրավախախտում կատարած անձի անունը, ազգանունը, հայրանունը կամ տվյալ անձի

(ստորագրություն)

ներկայացուցչի անունը, ազգանունը, հայրանունը և լիազորությունը հաստատող

փաստաթղթի տվյալները)

«---» 2023 թ.

(որոշման օրինակի ստացման ամսաթիվը)

Ծանոթություն. Սույն որոշմամբ նշանակված տույժի գումարը ենթակա է վճարման Կենտրոնական գանձապետարանի №900005024055 հաշվեհամարին 27 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: